

Title: Sipani 1979O (Part 2)

Speaker: Cipriano

Language: Guazacapán

Collector: Terry Kaufman

Date Recorded: June 1979

Date Transcribed: ?

Date Typed: 07/30/2006

Typed By: ER

< text >

pwes na ?ik'ał huurak, yaw'i nał ki' akuk'ih,

?i łək'əy' sipani (29), šiiri? nał 'uk'ah sipani,

hin bir'iy?. entónse təšk'ə sam'uw'ey ?i ter'oy?.

hin· mulansa, ?i tur'ey šas mak'uh. akuła

uk'ey benefisyar (30) na huurak ?i asta ke tum'uy?

šuk'a uw'ih huurak.

kuy im'an na mu'istoya sipani; ke ná sipani

komo na huurak šuk'ey' naawuula nał hi' mu?ay'aala

?o mu?uhšaya ?i {deber/asək hən'əy'} ke šuuka mu?uhšumu

?i huuraki' nah (2), ?entonses (1) ?ar'ey' pul'ey' k'ał

kahon ?i {uk'ey enkahonar kriaturiita/t'en'oy' šá kahon (na) ču t'uuri} ?i

nan'íy' ša pəp'ə?uy (3) ?entonses tur'ey na

pəp'ə ?uy na t'uuri. ?entónses na sipani

hiná mu?uhšaya ?ipal'a nał hi' ša šaaru.

?i... pir'iy' (4) {kahonsiito/ču kahon} man. uk'a nah k'ey' (5)

ša ?uy nałakuk'ih (6). ?entonses kuuru'...

akuła (25) ?išap'iy' ?i ... {uk'ey ki? destapar kih/?apley' lik}. ?i pir'iy

ke k'ał t'uuri nał uuka k'aata? ša kahon.

?entónses k'ən'ək'{ə/i}la? uhšaya hiná uhšumu

porke na nah hin nał hooroy na nookałih.

paťey nał kikił ũkah, piy' k'i? (7) ?ałi. ?entónses

na uhšaya łək'ay'ey mu?uy tuu{t'/t}uk. ?i nuk'ey

nah ču t'uuri. ?i ?entónses ?əraki?, ?əraki'

asta ke {yegó a término de huurak/hooroy' mu?ayapa?}. ?i

?entónses nuk'ey nah mulansa neela nah

ter'oy tuma, porke šandiwira nah waškuk'ih,

?ał tuma ki' a?ũłu? mulansa, muter'o na?ał;

ʔi mutur'a naʔ ša mak'uh. pwes na nah,
 komo hin naʔ hən'əy', {ʔeŋmamáh/"ʔut'an"} muʔim'a naʔ
 ʔuhšaya, ʔuhšumu {əmpapáh/"taat'an"}. asi ke...
 ʔəraʔ naʔ paʔaʔ, ʔi k'aʔ ʔay'aala p'ooŋa naʔ hiʔ
 ša ʔuy, ʔi wənaʔ tuma naʔaʔ, ʔi ʔentónses
 pul'ey kikiʔ {de/na} tuma, ʔi ʔišpaʔ p'ətana
 ša... {enfrente de nah/hur'atil'i}, onde pir'iy' ke ʔuukaʔ naʔ
 tuma, wašk'uyʔ, ʔi hin sam'uyʔ n{ee/ě}la kiʔ k'ir'eyʔ (8)
 na t'íʔah. ʔentónses na ʔay'aala k'əy'ey (9) mulansa
 ʔi ʔakuʔa ʔuk'ey segir p'ooŋa. ʔentónses
 na šurumu kuuruʔ ʔayaw'ah (10) ʔi ʔim'ey nah
 ke munuk'a na mulansa. "han lansa
 kuy nuk'an naka, šurumu." "byen naka
 hoorokaʔ. naka hoorokaʔ. "
 {le desíya el/ʔimey' nah}. "naka kiʔ hoorokaʔ (11). ʔentónse
 ʔimey nah ke "kuy nuk'an naka kalansa
 pero ku yakaʔ akuʔ pir'ik'an utaka."
 "{ʔutaka/ʔut'an!}. komo ba a ser ʔutaka (12). hin ʔut'an
 káa ʔyan pweh (13)." "hin, nah na man šuk'ey
 taataka. hent'eele liʔ man šuk'ey taataka.
 nah ter'oʔan. kuriy'a ənt'əkan ʔutaka,
 ʔatəy'ah hiʔ ša maku, {tal puntu/ʔatəy'ah} hiʔ ũ{k'/k}ah.
 bweno pwes, alfin pul'ey {kreer/təʔ} ʔi ʔakuʔa
 ša maku, i pir'iy' ke {kolčonaaso de behukiyo/k'aʔ kolčon (de) pīpi}
 naʔ uk'aʔ maku. entónses... akuʔa tur'ey
 k'aʔ punyo šəha, šəha šaaru, ʔi weskey nah
 {ʔati/ʔaʔ} maku, tumuy... tuumuʔ kəəwəʔ pipi.
 tuumuʔkəəwəʔə. ʔentónses ʔakuʔa t'und'iy (14) na
 pwerta ʔi hin naʔ mupur'i ʔutah. ʔi nah nah
 ʔimey ke. "na nenʔ naʔuka. na nenʔ naʔuka.
 kapaʔa šam'a ke kakuʔa naĩk'an nenʔ
 ša ʔuy." "ʔa... pwes byen {miiho/nalun'}, pul'an, porke
 hin naʔ šan ənšuk'a, porke taataka, sipani
 šuk'aʔan. i atəy'ah u{k'/k}aka (26) naka". "pwes
 ʔišpay'a pwe{s/h}, ku ʔyan wirik'i," ʔim'ey nah.
 "hin ənʔišap'a, porke wili uk'an." "ʔa... ʔəndə

ša kofre man. ʔatǽy'ah hiʔ k'al {kanawak'u/naak'uka}.”
 “pero weena taʔ tup'alán.” “ʔa... ʔǽndǽ kíʔ.
 kuʔyan wirik'i.” bweno pwesn {uk'ey obedeser/ǽɣnǽyʔ nah}.
 akuʔa išapiyʔ nawak'u. ʔi wašaliyʔ.
 ʔentonses ʔišpaʔ. ʔimey nah ke muʔuk'a
 perdonar porke ʔakuʔa nan'iy ša pǽp'ǽʔuy.
 ʔi ʔentónses ʔim'ey nah ke te (27) nah na sipani
 šuk'alán taatah. ʔentónses him ba{l/h} (15) {trankiilo/kontento}
 uk'awáh šurumu. hin baʔ tur'ey tuma.
 ʔi nah na sipani, uk'ey malisyar, ʔe... otro diya
 imey ke haran'a minaki{w/w'ah} (16), hin baʔ akuʔa
 tur'a tuma. ʔi ʔentónses im'ey ʔik nah,
 ʔǽndaʔ šuk'ak šurumu, porke hin baʔ {kontento
 uk'ǽh/ak'ǽnǽkʔ{i/ǽ} }. asaber (17) weena uk'alán na konseecho.
 ǽndaʔ šuk'ak. ǽndaʔ ša šaaru ʔi ʔǽndaʔ hir'ik (18)
 šaaʔuk (19).” im'ey ʔik. pwes waak'aʔ ʔik. i entónses
 waak'aʔ ʔik ša šaaru. i imey ke ʔipal'a naʔ akuʔ.
 pero komo nah na šurumu {muy de alkanse/ki teen'ah hǽnǽk'ih} naʔaʔ
 akuʔa tur'ey hutu yǽma, hutu šuʔuʔa
 yǽma n{ee/ǽ}ʔa kiʔ muʔaltuura (20) kiʔ uk'ey tantyar
 ke mutur'a nah hutu. entónses uk'ey enkantar
 i p'ur'uy hina^h mup'uur'uk naʔaʔ. i entónses
 na nah šiiriʔ (21) ʔǽl'ǽ pwerta hiná pedaaso hutu
 ʔot'ot'o naʔ hiʔ ša ʔoot'ek. ʔentónses waštaʔ sipani
 hiná muʔuhšaya. ʔi ʔmey ke ʔoora ʔǽndaʔ
 {p'/p'}aɣnik porke ʔot'ot'o hiʔ. tiik'i hiʔ. ʔiwši narih
 ʔot'ot'o hiʔ.” pwes na ʔuhšumu im'ey “sam'u naka
 na wap'ih. kuh ninʔ/nenʔ sam'un na puh. ʔǽndaʔ
 nik'ik (22) na ʔaʔí. ǽndaaʔ piʔak.” ʔentónses naahʔik
 {uk'ey ʔik tirar kiki/wesk'eyʔ kiki ʔaʔi} ʔi {ʔuk'ey sokar/sǽn'ǽley} hiná puh,
 ʔi hináʔ šeeke'h. ʔi tuumuʔ kumu ʔahama kumu
 ʔuw'ilih. {kwantos klaabo/ʔiw'al klaabu šuʔuʔa} waštaʔ ša mukwerpo.
 him bah ʔik ʔpurey him bah purey (28) ...
 paataʔ ʔǽyke'y kiki. e byen maasaʔ kiʔ
 tup'aw'ah. entónses im'ey nah uhšaya hiná uhšumu
 ke muʔuk'a perdonar. ke hin baʔ kuy šuk'ey.

entonses “ke perdonar i no perdonar.” “ʔay
 nuk’a nenʔ permiiso pwes neela ʔyan wirikʔi
 ənʔanimalʔuʔi: imey nah. “ke animáles. i no animáles.
 nah na ter'oy ʔik piyʔ
 (23) t'er'oyʔ uhšumu i uhšaya. hin uk'ey perdonar. man giʔ.

</text>

<notes>

1. ʔentonses- <tk> pir'iyʔ </tk>
2. ʔi huurakiʔ nah- <tk> se nació/parió </tk>
3. pəpʔəʔuy- <tk> creciente </tk>
4. pir'iy'- <tk> vida </tk>
5. uk'a nah k'eyʔ- <tk> que estaban dejando ir </tk>
6. ša ʔuy naʔakuk'ih- <tk> en el río </tk>
7. piyʔ k'iʔ- <tk> 2 solo </tk>
8. kiʔ k'ir'eyʔ- <tk> solo raspó </tk>
9. k'əy'ey- <tk> pepenó </tk>
10. ʔayaw'ah- <tk> contra de ella </tk>
11. naka kiʔ hoorokaʔ- <tk> vos lo tenés </tk>
12. komo ba a ser ʔutaka- <tk> han hiʔ hooron ʔut'an natəəkah </tk>
13. káa ʔyan pweh- <tk> onde estoy pwes? </tk>
14. t'und'iy- <tk> tunt'iyʔ </tk>
15. him ba{ʔ/h}- <tk> him baʔ tuupaʔ k'ənək'ʔ{i/ə} šurumu </tk>
16. haran'a minaki{w/w'ah}- <tk> enfermo amanecio </tk>
17. asaber- <tk> hin hən'ən </tk>
18. hir'ik- <tk> afilar </tk>
19. šaaʔuḵ- <tk> uñas </tk>
20. muʔaltuura- <tk> 'alto' = ʔónk'oʔ </tk>
21. nah šiiriʔ- <tk> se escondió </tk>
22. nik'ik- <tk> prensar </tk>
23. <tk> t'ing'eyʔ nuk'a nah na šuuruk.
24. <tk> ənhur'uuʔi, ənʔ*aat'uuʔi, ənmiyaali </tk>
25. akuʔa- <tk> this is not crossed out in the transcript, but it is heard in the audio </tk>
26. u{k'k}aka- <tk> estás </tk>
27. te- <er> this is semierased in the transcript, but it is present in the audio </er>
28. purey him bah purey- <er> this is crossed out in the transcript, but it is present in the audio </er>

29. ʔi ləkʔəyʔ sipani- <tk> el sipani lo encontró </tk>

30. ukʔey benefisyar- <tk> tumʔuyʔ šipʔi nah šaʔah; descuartizar </tk>

</notes>